



## ADMINISTRACIÓN LOCAL

### MUNICIPAL

### CAMARIÑAS

*Certame Letras Galegas 2025*

#### **Concurso Letras Galegas Camariñas 2025**

Co desexo de fomentar a creatividade literaria dirixida ao mundo dos nenos e nenas, convócase o concurso de literatura infantil e xuvenil Letras Galegas Camariñas 2025.

#### **BASES**

##### **Primeira.-**

Poderán participar todas as persoas que cursen estudos de educación infantil, primaria e secundaria nalgún dos centros educativos do Concello de Camariñas ou residentes do Concello de Camariñas que cursen estudos nun centro educativo doutro concello.

No caso de menores de idade a solicitude de participación deberá presentala o titor ou representante legal.

##### **Segunda.-**

Establécense premios cun importe económico suxeito as seguintes categorías:

- Categoría A: Mellor traballo colectivo Educación Infantil: premio de 80 euros.
- Categoría B:
  - Subcategoría B1: Mellor prosa 1º ciclo de Primaria: premio de 30 euros.
  - Subcategoría B2: Mellor poesía 1º ciclo de Primaria: premio de 30 euros.
- Categoría C:
  - Subcategoría C1: Mellor prosa 2º ciclo de Primaria: premio de 30 euros.
  - Subcategoría C2: Mellor poesía 2º ciclo de Primaria: premio de 30 euros.
- Categoría D:
  - Subcategoría D1: Mellor prosa 3º ciclo de Primaria: premio de 30 euros.
  - Subcategoría D2: Mellor poesía 3º ciclo de Primaria: premio de 30 euros.
- Categoría E:
  - Subcategoría E1: Mellor prosa 1º ciclo de Secundaria: premio de 80 €.
  - Subcategoría E2: Mellor poesía 1º ciclo de Secundaria: premio de 80 €.
- Categoría F:
  - Subcategoría F1: Mellor prosa 2º ciclo de Secundaria: premio de 80 €.
  - Subcategoría F2: Mellor poesía 2º ciclo de Secundaria: premio de 80 €.

As categorías que non acaden un nivel mínimo de calidade poden quedar desertas.

##### **Terceira.-**

As obras serán individuais, en prosa ou en verso e de tema e extensión libres, coa excepción das persoas que cursen estudos en educación infantil que presentarán un traballo colectivo.

As obras serán orixinais, inéditas e escritas en lingua galega.

Cada centro educativo presentará un máximo de tres traballos por subcategoría.

A presentación farase en papel, tamaño DIN A4, coa letra Times New Roman ou similar e tamaño de letra 12. Establécese unha excepción para as obras das categorías A, B e C que poderán presentalas manuscritas, con letra lexible.

Nun sobre onde figure o epígrafe “Concurso Letras Galegas Camariñas 2025, o título da obra, pseudónimo da/o autora/or e subcategoría” deberán introducirse os traballos asinados cun pseudónimo e a ficha de inscrición (anexo), esta última nun sobre pechado.

**Cuarta.-**

O prazo de presentación de orixinais comezará ao día seguinte da publicación desta convocatoria no Boletín Oficial da Provincia e rematará o día 12 de maio de 2025.

A documentación presentaranse no Rexistro Municipal do Concello de Camariñas.

**Quinta.-**

O xurado estará composto por un presidente, un secretario e dous vogais elixidos polos directores dos centros educativos do Concello de Camariñas. A secretaria será a Concelleira de Cultura ou persoa en quen delegue, que actuará con voz pero sen voto.

**Sexta.-**

O xurado actuará en pleno, en sesión única, sendo necesaria a asistencia de todos os seus membros.

As deliberacións serán secretas e delas redactarase a acta correspondente.

O xurado elixirá os gañadores das distintas categorías en función da orixinalidade, redacción e presentación das obras.

O xurado non abrirá os sobres pechados que conteñen as fichas de inscrición.

O xurado presentará a súa proposta á alcaldesa do Concello de Camariñas, que é o órgano competente para conceder os premios, antes do 16 de maio de 2025.

O 17 de maio de 2025 realizarase un acto público no que se darán a coñecer os gañadores e se procederá a entrega de premios.

**Sétima.-** Unha vez publicada a concesión dos premios, as persoas beneficiadas deberán cumprir dous requisitos para recibir o ingreso ao seu nome::

1- Posuír unha conta bancaria na que figure a titularidade do participante premiado, debendo presentar un certificado de titularidade bancaria.

2-Os premiados deberán acreditar a súa identidade mediante DNI/NIF/CIF

- No caso de non dispoñer do anterior, o participante debe presentar na solicitude de participación copia do DNI do/da seu titor/a ou representante legal, que será o que reciba o importe do premio , asumindo a responsabilidade fiscal

A participación nesta convocatoria supón a total aceptación destas bases.

Oitava.-

**FICHA DE INSCRICIÓN CONCURSO LETRAS GALEGAS CAMARIÑAS 2025**

Título e pseudónimo:

Categoría e subcategoría:

Centro educativo:

Nome e apelidos concursante:

DNI/NIF/CIF:

Teléfono:

Nome e apelidos do titor/a ou representante legal:

DNI/NIF/CIF:

Sinatura:

Manifesto coñecer e aceptar as bases que rexen o Concurso Letras Galegas Camariñas 2025.

Lugar e data:

Camariñas, 06 de maio de 2025

A alcaldesa,

Sandra Insua Rial

2025/2826